

11. IX, 1924.

R. 19

Vere Honorato Domino Professore & Praesidente:

Sincero gratias pro longo epistola  
de 14. Februario a.c. et - in modo speciale - pro  
Vostro cordialitate.

In praesente litteras me mitte ad vos relatione  
super meo propagauda de Interlingua et me gaude  
multo quod meo labore non es infructuoso.

Publicatione de circulares et correspondentia  
~~est~~ sine dubio es de grande pretio - an me debe  
mitte ad vos dimidio de quota sociale (65 fr.)  
quem me vol collige in mense Majo ab sociis novo?

Pro diminue pretio de transmissione postale  
de publicationes de A.P.I. vos pote mitte illos ~~est~~  
in meo addirectione et me divide illos inter meo  
collegas.

→ i Collegas meo non habe interesse in receptione  
de "Kosmoglot!" ←

Ad meo annuntio super periodico responde  
solo 2 comocios: Panebianco et Stawinski qui mitte  
ad me excellentes articulos pro publicatione.

Me gaude multo si vos ipso mitte ad me  
ullo articulo satis intelligibile et interessante ad  
publico cum superiore educatione.  
(aut. gymnasiale)

Me muta meo projecto de nominato periodico;  
illo vol es publicato toto in l. s. fl. et vol habe character  
simile ad "Revue de deux mondes" —

Me professa in lyceo propaedeutica de philosophia  
(logica et psychologia) — me praeside in Circulo  
Locale Lidense de Societate de Professores Polono,  
me es membro de Comitio Administrativo Provin-  
ciorale de isto societate et me dirige Collegio  
de Conferentias Scientifico — labore grande sed etiam  
magno satisfactione!

Me mitte ad vos uno articulo quem vos vol  
benigno sine dubio publica in proximo circulare

Expressiones de sincero respectu  
cordiale salutationes et augurios  
de plure anno de fructuoso labore  
pro nostro gaude idea commune

mitte devoto servo

Jly